

## PWÂRTEÛ D' PAKÈT

(Bokèt foû do roman “Èrotikes Walonaedjes”  
 (...)) 3

Tot aflachî, dj’ a volu dischinde do lét. Èle m’ a ratrapé pa m’ pagna, m’ fé tchère à s’ costé èt s’ rimète a m’ fèlmint rabrèssî. Tote mi vayance a ricréchu don lan, dj’ a rigripé sès tinres tiènes èt m’ î riprinde pus pyane myane po rimoussî m’ bordon au pus tchaud. A pwine m’ a t-èle lèyî oyu on djèmhâhe, dj’ èstéve à mitan èmantchî, kan dj’ a sintu m’ n’ astantche ariver à rèze èt tot lèyî brotchî oute. Èle m’ a si djintimint sori èt m’ rèssèrer pus fwârt inte sès brès k’ ça n’ a nén manké : dj’ a tot rade raviké. I n’ m’ a nén falu lontins po rprinde mi soffle èt m’ djoker d’ ahaner. L’ sèrûre bèn ôlêye, avéve-dj’ tot d’ sûte compris k’ asteure ça m’ aléve ièsse pus auji ? Sins awè distèlé dj’ a rpris l’ si plejhant movmint ki dji vinéve di d’ èdaumer. Èle a si bèn chûvu l’ rimowemanèdje ki nos pwèls n’ ont nén d’ pus ratindu lontins po s’ acomèler èchène. Dji mèteve tot l’ keûr ki faléve dins nos trémoussements. Èle s’ a mètu à rèspirer d’ pus èt pus rade, dji vèyéve sès ouy riglatichî pa-padzos sès paupîres à mitan bachîyes... Au d’ pus dji m’ tinkiyéve k’ au d’ pus èle mi rabrèsséve strwètmint... Dji m’ a rispaurdu èt continuwer pajèrmint ène pitite munute à co profiter ène miète di m’ novia plêji. On s’ a rapauji tot s’ rabrèssant èt dj’ a volu mia fé conchance avou tot l’ bia corti k’ èle vinéve di m’ dovièt au laudje. Èle m’ a lèyî ranchî tot m’ soû. I m’ a

falû tot riwèfî d’ au pus près, passer èt ripasser mès dwèts dins tos sès tinres plissèdjes. Dji carèsséve èt bètchève cintimète pa cintimète èt fini pa trover ène ptite lipète ki, di tote molasse, s’ a mètu à s’ adeuri si fwârt k’ èle s’ a mètu a somadjî. Minme ki ça m’ a fait peû d’ lî awè fé do mau. Po m’ fé pardonner, dji lî a mètu on pitite bauje dissu. Oufi ! Èle m’ a clapé sès deus mwins d’ sus m’ n’ anète, mia m’ î aspouyî m’ tièsse èt m’ dîre “Waye, n’ djokèz nén ! Maria Dèyi come vos m’ fyèz do bèn !”

Dji vinéve di fé l’ conchance avou... eu...comint m’ faut-i dîre ? L’ mo m’ kèkîye l’ coron di m’ linwe... A, v’ la ki m’ rivént : l’ conchance avou m’ prumî pèpion.



\*\*\*\*\*§\*\*\*\*\*

**On comache todi...**